



**Claudii Fleurii Abbatis Historia Ecclesiastica**

Ab anno Christi 1618. usque ad annum 1620

**Fleury, Claude**

**August. Vind. [u.a.], 1777**

**VD18 90118847**

§. 13. Comitia a Protestantibus Silesiæ Ordinibus Vrartislaviæ habita.

---

[urn:nbn:de:hbz:466:1-67326](https://nbn-resolving.de/urn:nbn:de:hbz:466:1-67326)

Georgium ac Pæsingam occupavit, Sæc. XVII.  
 moxque Comorram & Jaurinum urbes A.C. 1619.  
 in Cæsaris fide immotas intercipere  
 frustra conatus, secundum Insulæ Da-  
 nubianæ, cui Schyttæ nomen, margi-  
 nem inoffenso progrediebatur cursu,  
 captisque pluribus oppidis denique Po-  
 sonium, ut Hungaricam Regum Coro-  
 nam invaderet, cum insigni celerique  
 militia contendit, inde vero diviso exer-  
 citu, ductore Comite Turzone, ad Mo-  
 ravorum fines decem millia, ex Hun-  
 garis plerosque, misit, quibus Comes  
 Turrianus copias suas adjunxit, Au-  
 striam invasurus. Gabor autem missis  
 ad urbes finitimas edictis, ne Sacra-  
 mento sibi dicendo ejusque imperio  
 obluctarentur, interminatis etiam se-  
 verissimis pœnis hortatus est; E con-  
 trario autem Forgatsius Hungariæ Pa-  
 latinus Bethleüm, ejusque Præfe-  
 ctos datis literis, ut fidei, qua Romano  
 Imperatori, communique Patriæ ad-  
 dicti essent, memores forent, admonuit,  
 postea seditione hujus expeditionis dam-  
 na exponens, illos a nefando hoc mo-  
 limine necquicquam dehortatus est.

## §. XIII.

*Comitia a Protestantibus Silesiæ Or-  
 dinibus Vratislaviæ habita.*

Bb 2

Dum

Sæc. XVII. A. C. 1619. **D**um hæc interea in Hungaria gererantur, Protestantes Silesiæ Ordines Vratislaviæ ad vigesimam

*Londorp.  
tom. I. l. 4.*

Octobris diem comitia indicebant, eo fine, ut omnia, quæ in Comitiis Pragensibus tam de novo cum Bohemis fœdere, quam Friderici electione acta fuere, unanimi suffragio ab omnibus tam Ecclesiasticis, quam profanis confirmarentur, ac interposita juramenti Religione rata haberentur, interminata bonorum omnium & beneficiorum suorum amissione. Clericis insuper & Ecclesiasticis significabatur, quod deinceps Episcopo suo nullas pecuniarum suppeditias ferrent, *cum jus collectandi ad jura territorii pertineat*. Præceptum insuper, ut Præfecti Catholici ab officiis removerentur, subrogatis Evangelicis, ubi vero Senatus integer esset Catholicus, ibi dimidia parte remota, totidem Protestantes eis adjungerentur, ita tamen, ut Consules nonnili Religione Protestantes eligantur: in Glogavensi autem civitate Protestantes soli in Senatum assumantur. His ita nequiter decretis ejusmodi juramentum Canonicis Uratslavienibus præscripsere: *Juramus, nos omnia a Bohemiæ Regno in comitiis Pragensibus nuper decreta constanter semper servatueros, ipsoque facto comprobatueros, vitam quietam, & ab omnibus*

bus adversus Protestantes machinationibus Sæc. XVII.  
 vacuam acturos, & contra impetratas Re- A.C. 1619.  
 ligionis concessiones nihil moturos, nec a  
 fide præstita vel precibus vel promissis aut  
 minis, nullisque a juramento absolutionibus,  
 Conciliorum decretis de non servanda fide Carafa  
 hereticis, aliisque qnibuscunque exceptioni- comm. Germ.  
 bus, quibus jam nunc renuntiamus, nos pag. 76.  
 abduci permisuros, idque sub perjurii pæ-  
 na, omniumque, quæ in Silesia possidemus,  
 amissione. Adversus iniquum hoc ju- Khevenhill.  
 ramentum Carolus Archidux ac Vra- tom. 9.  
 tislaviensis Episcopus, licet absens, pag. 632.  
 vehementer querebatur, præcipue, cum  
 Silesiæ Ordines Capitularium redditus  
 & beneficia sibi usurparent, necnon  
 urbem, arcemque præfidiario milite  
 suo munirent, ejuratoque universo no-  
 mine Austriaco & abrogata dignitate  
 Episcopali summum Silesiæ imperium  
 sibi vendicarent, moxque de subrogan-  
 do Ludovico Friderici Palatini fratre  
 Calvinistæ deliberarent. Tantam Pro-  
 testantium proterviam Archidux cum  
 diutius ferre haud posset, Sigismundi  
 III. Poloniæ Regis, ad quem Prote-  
 stantium vi confugere compulsus erat,  
 opem implorabat. Hic ergo datis li-  
 teris Lignitsensem Principem & Silesiæ  
 Ordines hortabatur, ut cum Bohemis,  
 qui legitimi sui Regis auctoritatem con-  
 tra omne jus fasque violassent, nullam

Bb 3      socie-

Sæc. XVII. societatem habere, nec Ecclesiasticos  
A.C. 1619. bonorum spoliatione vexare, minus  
 vero illos ad juramentum Deo & ju-  
 stitiæ repugnans cogere velint. Hanc  
 in rem etiam idem Poloniæ Rex Le-  
 gatos suos Pragam decrevit, qui Bo-  
 hemos, eisque foedere junctos cum  
 Cæsare conciliare niterentur. Verum  
 hi exuto omni pudore Regem monere  
 audebant, ne quicquam contra Bohe-  
 miæ Regnum moliretur; cum enim  
 cum Turcis & Tartaris amicitiam co-  
 lerent, & Hungaros, Batavos, Danos,  
 Suecos, multosque Principes sibi con-  
 junctos haberent, diuturnum admodum  
 & cruentum bellum Poloniæ Regno im-  
 minere posset, si Rex se hisce turbis  
 immisceret.

#### §. XIV. *Padra conventa pro Catholici exerci- tus directione.*

*Bellus l. c.* *Barre Hist.* *d'Allemagne* *Carafa l. c.* *Adlzreiter* *Annal. Boic.* *part. 3. l. 4.* *Blanc. Hist.* *de Bavierr.* *t. 4. p. 75.* **C**um Turrianus Comes Hungarorum copiis auctus, Austriam invadere festinaret, Ferdinandus quoque Impe- rator iter suum Viennam versus ma- turandum censebat. Jamjam die octava Septembbris Francofordia discedens, Heripolin, contendit, ubi rufus Pro- testantes Principes, qui se Correspon- dentes nominabant, Rotenburgi con- grega-